

Na osnovu člana 16. stav 2. Zakona o Vladi Zeničko-dobojskog kantona Prečišćeni tekst (Službene novine Zeničko-dobojskog kantona", broj: 7/10, 3/23) Odluke broj 02-23-1899/24 od 29.01.2024. godine kojom je data saglasnost Vlade Zeničko-dobojskog kantona na Plan zaštite, održavanja, rekonstrukcije i izgradnje regionalnih cesta za 2024. godinu Kantonalne direkcije za ceste i Plana zaštite, održavanja, rekonstrukcije i izgradnje regionalnih cesta za 2024. godinu Kantonalne direkcije za ceste, broj: 12-2-23-1491/24 od 22.01.2024. godine i broj: 12-2-23-1491-1/24 od 02.07.2024. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 49. sjednici, održanoj dana 04.10.2024. godine, d o n o s i

ODLUKU

o odobravanju sredstava za isplatu naknade za nekretninu eksproprisanu rješenjem broj: 05-27-1-2944/23 od 26.06.2024. godine

Član 1.

(Predmet)

Odobravaju se sredstva u ukupnom iznosu 25,00 KM (slovima: dvadesetpet i 00/100 konvertibilnih maraka) za isplatu naknade za nekretninu eksproprisanu pravosnažnim Rješenjem Službe za urbanizam, geodetske i imovinsko-pravne poslove Općine Maglaj (broj: 05-27-1-2944/23 od 26.06.2024. godine).

Član 2.

(Iznos naknade)

Pojedinačno iznos naknade je utvrđen sporazumom o naknadi koji ima snagu izvršne isprave a koji je dio Zapisnika o usmenoj raspravi za sporazumno određivanje naknade za eksproprisanu nekretninu zaključenog pred organom uprave Službom za urbanizam, geodetske i imovinsko-pravne poslove Općine Maglaj sa vlasnikom nekretnine koja je predmet eksproprijacije u svrhu realizacije projekta izvođenja radova za sanaciju klizišta i izgradnju pješačke staze u naselju Ulišnjak, općina Maglaj. Tačno utvrđen iznos naknade bit će isplaćen na račun ranijeg vlasnika nekretnine kako je prikazano u slijedećoj tabeli:

Broj parcele	Raniji vlasnik nekretnine	Broj Rješenja o eksproprijaciji	Iznos naknade / KM
1011/5	Mahmutagić (Abdulah) Mugdim (1/1)	05-27-1-2944/23	25,00
	UKUPNO ZA ISPLATU		25,00

Član 3.

(Izvor sredstava)

Sredstva iz člana 1. ove Odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona", broj: 21/23 i 12/24), razdjel 19, budžetska organizacija 03, potrošačka jedinica 0001, ekonomski kod 821100 sa pozicije „Nabavka zemljišta, šuma i višegodišnjih zasada“ iz namjenskih sredstava Kantonalne direkcije za ceste u Budžetu Zeničko-dobojskog kantona za 2024. godinu.

Član 4.
(Realizacija Odluke)

Za realizaciju ove Odluke zadužuje se Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 5.
(Stupanje na snagu)

Ova Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-16843/24
Datum, 04.10.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Kantonalna direkcija za ceste, putem Ministarstva,
1x Ministarstvo finansija,
1x „Službene novine Zeničko-dobojskog kantona“,
1x a/a.